

榆次縣志

卷十	列女傳上
卷十一	列女傳下
卷十二	藝文上

榆次縣志卷之十

列女傳上

五代

漢高祖皇后李氏父爲農高祖少爲軍娶后及貴封魏國夫人開運四年高祖起兵晉陽欲斂於民以賞軍后諫曰今起事號爲義兵民未知惠而先奪其財非救民意也請悉出後宮所有雖不足士亦不怨矣高祖斂容謝之高祖稱帝立爲后隱帝即位尊爲皇太后及郭威舉兵隱帝欲自將討之后止之日郭威本吾家人非危疑何肯至此今若按兵無動以詔諭威

榆次縣志

卷十

列女傳上

一

威必有說則君臣之際庶幾尚全隱帝不聽己而郭威入汴舉事皆稱太后旨時議立湘陰公贊贊未至乃請太后臨朝俄而威爲帝請以母事太后上尊號曰昭聖皇太后終於周顯德元年

按五代史云李后晉陽人褚志則以爲榆次人且指鳴李村爲后故居麻池井汲之跡尚存或鳴李村亦當日晉陽地褚志又云高祖贅后家其父兄逐去之勒后改適后苦節不易云云考五代史有高祖牧馬晉陽入后家劫娶之語則非贅可知又李洪信傳昭聖太后弟六人洪信居長固未言后

有兄史又稱洪信三從高祖兵間則父兄斥逐勒  
后改適殆委巷之談欲彰后節非故實也至高祖  
微時常居榆次后亦從焉則以敘烈女之首

元

王氏舉人格忠妻忠亡有豪貴欲娶之王曰吾爲士人  
婦以孤存不即死志未可奪也大德八年旌表

李氏者趙信妻也年二十而信死遺一子李撫長之守  
節四十年

薄氏康贇妻贇死家貧薄紡織養翁姑婦道咸備人稱  
其難

榆次縣志

卷十

列女傳上

一一

鄭氏張恭妻早寡食貧荼苦歷數十年志不少易至順  
三年旌表

段氏鄭和甫妻年少有淑德和甫早死段貧甚無二志  
與孤子相依者三十年至正七年旌表

明

溫氏馬守道妻守道死或憐其貧勸改適溫曰吾死不  
惜貧亦何患耶洪武十三年旌表

周氏趙旭妻旭病死欲自殺以從家人力止之乃已厲  
操終其身

劉氏杜仲賢妻仲賢死人有以他意諷之者劉完節自



守以壽終

賈氏任整妻也整客死京師賈年方少泣謂家人曰所以不即死者以有老母與孤在也整柩歸賈葬之瘞居凡六十五年

郝能之女許字鄭銓未婚而銓卒女聞之謂父母曰雖未事銓然已許之矣義不負也遂往銓家服喪奉銓父母終其身

劉氏適賈濬年二十五而寡惟遺二女劉竟守其志以老卒年七十七

冀氏年十九歸於寇讓有子天錫三歲而讓死其父兄

榆次縣志

卷十

列女傳上

三

使再嫁冀泣曰我去夫不祀矣卒撫育天錫以至成立焉

侯氏父爲醫官十七嫁張琳十九有子二十而琳死琳有資產家人謀奪之因迫侯使他適侯堅不肯家人竟奪其田里中或以孤且寡加欺陵侯終不爲動持門戶自若嘉靖中有司奏旌之侯卒幾九十矣光祿鄉周鈇高其風爲志墓焉

李氏固安教諭李廷秀女也幼從廷秀學讀書長歸仲顯嘉靖辛丑北寇至李與家人避兵堡寨中明日寇來攻破寨掠婦女及李李張目罵曰敢犯我乎自寨

出投崖死之

邑掾段廷相妻王氏有志節段疾將死問王汝如何日從君往耳段既死王慟哭方自溺於井其姑知而救止之親人守視王給守者出竟縊死

安氏城南關人爲郭思德妻嘉靖辛丑北寇至思德以其家避亂猝與寇遇安與二女俱被執時二女皆長且有姿安懼其見污行及風雲雷雨壇西見有井安呼二女急躍入俱死焉守陴者見而傷之寇去出屍以葬鄰里爲刻石於井旁紀其烈

范儒女幼許婚里人續文博文博客遊久流離於外儒約文博不歸而女年益長欲爲改聘女誓不許也其後文博還女已四十矣卒爲夫婦生男女各一范氏以壽終

戴秋姐者縣人戴宛女也隆慶中隨母行遇賊賊殺母而以刃劫秋姐秋姐罵拒之遂見殺

武氏李應麒妻歸應麒家未一年其姑病篤應麒請醫不效又家貧市遠母思食肉不能具武氏乃割其左肱肉烹以進於姑姑即愈萬曆中有司旌其孝

凡行事可書皆爲列女不獨孀嫠也史例則然故

採入

諸生寇一龍妻順天府尹李敏女也一龍以母病憂勞致疾而死李年始十五日夕泣日將從一龍竟飲毒而死

郝氏民田仲傑妻二十夫亡子奎方二歲郝執節自守撫奎而長之萬曆九年奎卒遺孫應科尚幼復撫而長之其後應科復卒郝寡居四十餘年至孤苦藉縫紵自活而田氏三世賴以繼焉遠近聞者憫而加敬縣有司出粟帛以給而表其門

馬氏生員李春泰之繼母甲申之難李自成部賊躒榆次因掠得馬馬不肯辱罵賊投井死春泰有姊嫁王

榆次縣志

卷十

列女傳上

五

氏亦恥爲賊污與賊相拒賊以火烙之而死又有侯氏者爲生員張翀妻與翀妹及翀妾王避賊地窖中恐爲所辱一家十三人皆自沈井中

自洪武至萬曆之世其間以節著者又有諸生閻永甯妻侯氏里人寇穆妻張氏白通判女張景之妻白氏邑人張英妻侯氏諸生王廷訓妻張氏高翔妻郝氏國子生寇隅妻郭氏舉人桂廷輔妻單氏永康里人范成宗妻胡氏諸生李應期妻原氏中郝里人白玉妻李氏民王朝義妻郝氏諸生鞏圖年妻段氏賈昭妻趙氏皆以狀聞被旌於官者也

國朝

郭氏諸生李廉妻歸廉四載廉死郭時僅二十二歲無翁姑父母煢煢獨居歷貧苦四十餘年俟三歲子映桃稍長力教訓之得爲博士弟子其後巡按御史來激揚風俗首表郭氏且令縣有司歲給布粟以贍云張氏里人鄭九鼎妻十九生子三月而夫亡人以其貧無食多勸更適者張曰吾甯不知去或得飽留則餓且困然命若是矣生與吾子同處死與吾夫同穴志自甘之誰能奪哉順治中知縣金世禎表其門與張同時十九歲寡而以節著者有姚定妻郭氏韓接愈

榆次縣志

卷十

列女傳上

六

妻侯氏

郭氏庠生賈桂芳母二十而寡勤苦潔白爲鄉里所敬憫郡縣並旌焉其二十一而寡者有原建邦妻張氏二十四而寡者有庠生王之相妻姬氏二十五而寡者有庠生許台衡母馬氏二十六而寡者有孫天德妻梁氏張氏守節五十二年姬氏四十六年馬氏三十年馬父亦諸生也梁氏至五十七年其年甚艾而夫死不嫁勵節以終者又有白運亨妻張氏家貧爲人縫紉以自食庠生何兆禎妻馬氏王珍妻侯氏皆善事舅姑白世奇妻王氏嚴於教子王沼妻齊氏勤



紡織茹辛苦庠生施守輝母張氏郭養賢妻楊氏續志稱養賢早死楊頻遭饑饉冰霜逾勵人無遺議云張氏李映新妻年三十夫卒事瞽姑以孝登牀拭穢無厭怠色家貧歲僅得粗穀三石勤機杼出布易錢常使姑甘旨無缺焉

胡氏武舉藥菖繼母也嫁二年而夫死胡撫前子若己子然恩義並篤前子長爲之娶妻教使從學中武科者二人皆胡訓育之所致也其他以節聞者庠生郭定民妻寇氏庠生李秉禎妻左氏武舉王太平妻李氏李氏常嚙指自矢以絕勸嫁者武生王兆龍母魏

榆次縣志

卷十

列女傳上

七

氏庠生李曦妻桑氏桑氏夫死不食期以身殉人救之得免也郭卿字母楊氏王國秀妻寇氏夫亡無子俱守節至四十餘年又有張應奇妻任氏爲縣令所旌韓國松妻王氏皆在順治中及康熙初

羅氏庠生李桐椿妻桐椿母張病羅割股以進嗣以父三疴病篤再割之創甚而卒年三十一時康熙二十六年也

張典妻王氏成煜妻李氏康熙妻陳氏劉玉妻段氏張惟煥母冀氏李發正妻崔氏白光彩妻張氏施世良妻武氏並二十八而寡王氏至七十三歲武氏至八



十六歲以老壽終崔守志四十二年冀三十五年段  
三十二年陳與李皆三十一年並稱若節張在康熙  
中知縣祖良材已予旌

鄭氏喬乙科妻二十五寡二子皆乳裸無舅姑伯叔及  
母家可恃者蕭條孤子常歷危苦然志終身不移鄭  
之生也爲明崇禎元年卒於康熙三十八年

龐氏者民李進選妻早寡鄰有惡少年李正者夜竊啓  
其門入逼之龐拒甚峻以爪裂正膚正怒罵去龐識  
其聲忿甚棄幼子投井中死康熙四十三年旌

要氏適張大成甫十七明年成得疾要氏出簪珥爲營

榆次縣志

卷十

列女傳上

八

醫藥曰夕呼天祈以身代及成將終語要使自爲計  
則泣日守志亦非所願終期與子同歸泉下耳自大  
成初病至卒要氏衣帶不解者六月大成旣殮明日  
要遂自縊時方甚暑露屍逾日顏色不變是歲爲雍  
正己酉知縣鄒雙聞之爲表其閭初有鄰人婦知大  
成病必死意其且改適試語挑之要怒斥焉至是果  
死人爭嘆其烈

孫氏馮應光妻韋氏鄭寰妻王氏胡有宰妻武氏褚極  
生妻楊氏趙環妻皆二十四而寡孫卒年八十三前  
令劉星表焉韋子三台遺腹也韋年至七十八歲王

守志三十三年武守志三十八年楊守志三十一年  
家並貧窶云陶氏劉印妻曹氏白養論妻田氏溫恭  
仁妻郝氏白喬妻皆二十五而寡田年至八十四尚  
能事紡績陶亦八十四曹與郝守志三十餘年皆爲  
人所稱

田世興者永康鎮農家子也妻任氏二十七而寡遺孤  
美方八歲任撫之成立矢志五十九年而終知縣荆  
振日旌其門

鄭氏郭塘妻夫死無子惟老姑在鄭年二十四執節不  
嫁人有勸之者曰我如他適姑將誰事且我亦何以

榆次縣志

卷十

列女傳上

九

對人哉四十年如一日云

李杰母楊氏年二十九夫客死京師杰始一歲李貧不  
自存然志操自勵紡織爲食以撫杰至杰年三十楊  
令往京師求其父骨歸以葬

白氏年十七爲姚迎崇婦後六年崇病死白篤守其志  
迎崇兄弟四人共田一頃舍一區其季弟接崇以嫂  
秉節謀於諸兄請以田宅讓於嫂使孤姪長得有資  
業諸兄亦無難色白氏撫迎崇二子皆有成

盧氏歸劉之傑年十九而寡有子纘方二歲盧撫纘訓  
之及纘長爲諸生復早死纘子席珍娶趙氏方十七

席珍又死孤劉隆未啐趙氏亦撫之不易操如盧氏及劉隆長督學使者聞之旌其門曰雙節

郭梧之妻張氏梧子連璽之妻李氏連璽子珍之妻趙氏三世以節著知縣石鑑榜其門以褒之

李培成妻魏氏二十六夫死撫子務本爲娶妻生帷帷未及冠務本死魏復撫帷孀居凡五十五年

郭氏侯玠妻玠試有司不得發憤卒侯時年二十有子殿邦舅姑慮郭少或有變謂日與不終不如更擇人事之郭聞之流涕引刀自刺賴救者得免年五十三卒竟以節完

榆次縣志

卷十

列女傳上

十

胡氏范鍾妻二十而寡茂榮茂華其一子也教之使成初家貧後稍足衣食當凶歲胡氏使其子出穀以周鄰人八十一乃卒其孫承淹裕淹皆爲諸生

范氏智迎棟妻有三子長林甫次瑞次法法者遺腹孤也迎棟死時范僅二十五父范三俊憐其少欲令改適范心恨自是不往父家者十餘年初迎棟父智竹娶王氏生迎棟王死竹凡三繼室范事四姑如一及林甫瑞法長皆有婦矣未幾而三子皆死瑞妻亦死焉范家前後遭十喪皆其身治之家由是貧甚又無孫可依孤苦彌甚不舉火者十常二三然范終不貸

於人雖衰耄日尚紡績焉

田萬全母許氏二十六而寡惟萬全一子方二歲無親  
戚依倚備茹辛荼至六十而卒萬全子三人有列諸  
生者

閻氏早歸寇代工十八生子琪方八月代工出亡不知  
所之久之竟不歸閻事舅姑終身勤苦撫琪不怨也  
琪長有二子且有孫閻因代工不歸數十年未嘗見  
其笑云

龐氏庠生李作極妻二十六而嫠上事孀姑下撫三子  
不以貧易操者幾四十載乾隆二年旌

榆次縣志

卷十

列女傳上

十一

葛氏李友然妻二十七而寡無子友然弟云然亦早死  
有子一人而云然妻他適葛撫姪爲嗣孤露相倚以  
及其長李嗣乃不絕

姚氏鳴謙里張敬妻齊氏太學生張國鼎妻齊即姚媳  
也皆早寡有志節前令荆振日爲作雙節傳乾隆四  
年 旌齊氏題其坊曰承徽

郭氏閻士麟妻二十三夫死守志五十一年七十四卒  
初士麟季弟故與嫂分居一旦欲入貲求仕遂私賣  
郭氏田及仕歸亦不償郭不與較也乾隆六年 旌  
馬氏郭登舉妻夫亡時馬年二十八二子珮珽並幼穉



姑李氏老而痺臥牀蓐間家窘甚馬事姑撫子勤以營家久之稍裕教珮珽俱成珮爲貢生珽入太學諸孫及曾孫多在庠序者或仕爲縣令人以爲皆馬貞孝之貽慶其母賈無子就食於馬及終葬之以禮乾隆六年旌壽百有五歲建貞壽坊

侯氏十五歸趙標僅二年夫亡惟一女侯孤苦育女矢志終身及其卒也女已嫁歸爲侯治喪而偕標葬焉王氏爲羅成鳳妻鳳病將死謂王曰吾死不恨顧有老母以爲子託吾戴子德泉下矣言訖而瞑王感其言事姑至孝終其世然王無子年僅二十三鄰人婦謂

榆次縣志

卷十

列女傳上

十一

日姑卒且葬若無負成鳳矣且又無子竟安所託不如行也王泣曰吾少聞父母言烈女不更二夫若奈何辱我獨居三十餘年以終

劉穎妻羅氏事舅姑與其夫甚謹年二十六夫及舅姑先後亡惟九歲子在羅育長之爲娶婦生孫慶雲方五月子與婦俱死慶雲求乳呱呱而泣羅氏曰綫未絕者特恃此兒不然吾懼餒爾矣撫之加篤慶雲七歲使就外傳二十三列諸生羅年八十三見元孫乃卒

監生朱邦珽妻侯氏二十七孀居至年七十餘夫亡後

事翁姑二十載其伯與妯皆死遺二女一四歲一二歲侯撫愛之與其子同乾隆七年旌表

郝氏者李适妻也适死無子時郝年始十八而貌端好人多欲娶者郝之舅姑將因以得貲意其嫁也然郝無行意郝性素剛一日媒媪來知爲己也罵之媪絕意而去於是諸姑徐謂之曰貧如是誰當養若郝曰我自養耳其妯旁聞之忿然顧郝舅姑之養誰代若則曰請供養如平時不敢累伯妯郝乃晝夜紡績鬻布以市甘旨而自食糠粃郝以孤貧無肯與爲嗣者年四十八卒其族人哀而葬之

榆次縣志

卷十

列女傳上

十三

郭氏李希寶妻二十七夫死家至貧撫孤子紡績自食以勤苦過甚久之兩目爲瞽苦節五十餘年

諸生何其謙妻褚氏明尚書鈇曾孫女也年二十四生子毓瑞夫死不嫁毓瑞長有室而死妻改適遺子三人皆幼復成長於褚

趙氏王壇妻十四來歸十七有子紹業紹業十歲時壇自知病當死呼趙囑曰有父母在惟子善事之且吾家四傳至紹業皆單特必使得長亦惟子趙應曰諾壇遂死趙送舅姑終訓教紹業卒成就學業爲諸生趙年八十二視聽不衰尚能持家事乾隆十三年有

司以聞 旌之

梁氏孫璽妻十九夫死子尚萬方三歲及長爲娶妻生三子尚萬及妻俱死梁守其三孫勤儉持家爲孤嫠者七十年

杜湯妻劉氏二十九夫死家貧績紡事姑撫遺腹子元桂有成

韓國鼎妻孫氏二十三夫死撫遺腹子弼晉孀居五十餘年卒年七十三

馮氏杜應元妻諸生瓚母二十八嫠居以紡績爲事瓚長事馮能承其意志前令兩旌之

榆次縣志

卷十

列女傳上

十四

劉氏周在邠妻在邠業儒早死劉年二十二誓以死守老姑孤子相依食貧忘其辛苦

馬氏鄭誠妻誠夭死其父母痛之因臥病馬奉侍無怠多方解悅之病遂已又五載乃歿殯葬皆馬力營焉馬有子益泰

王氏智和妻二十一寡孤子僅三歲夫兄智寬逼之他適王自翦其髮以明不二雖貧苦而奉姑尤孝姑常病王洗厠膾不敢以穢惡爲嫌初寬因王不肯改適遂與析居旣而寬死無子寬妻張無所依困甚王不恨前事復迎與同居諭其子元德使善奉伯母無失

禮云

智宗憲妻趙氏年二十九歲而寡家貧姑老子幼惟土屋兩間瘠田三畝趙守節不嫁鄰人憐之勸令賣田暫供衣食趙曰人貴勤儉耳若賣此田後復何濟乃力紡績以長其子至八十餘常以是訓子孫  
靳氏處士王自貴妻自貴之亡也靳年二十二子璋孩幼靳育而長之爲娶邢氏璋生子大壯復死邢抱節能繼靳之志及大壯長督使力田教以勤儉後三十年其家亦漸充

韓氏故山陽令煒之孫女適桑國華二十而寡守節三  
榆次縣志

卷十

列女傳上

十五

十五年事姑有孝名

郭氏李瑞妻二十六歲而寡不再適年八十猶紡績乾隆丁卯曾孫振文舉於鄉

武生郭昇妻周氏二十四夫死守志三十餘年

趙氏趙珽妻二十七夫死守志三十餘年

甯文宣妻郭氏十八歲守節撫子成立

韓世芝妻冀氏閻洪範妻賈氏蕭良庫妻聶氏皆十九寡並守節三十餘年冀與賈貧苦特甚尤爲其難者  
冀英妻王氏亦十九而寡守節五十餘年

李根母張氏張滿母施氏李應林妻羅氏皆二十而寡



施守志三十六年張守志五十一年羅氏守志五十二年

施福林妻施氏王者臣妻田氏皆二十一而寡田五十九卒施無子撫姪爲子飢寒守節以終

侯遠妻范氏岳桐妻金氏趙端妻鄭氏郝進新妻楊氏皆二十二而寡鄭與楊范尤貧苦然各矢其節終身不改

邢開吉妻曹氏二十六而寡藥應龍妻張氏程繼舜妻康氏張三廷妻侯氏吳進妻郭氏郭繼善妻楊氏並二十七而寡曹守節凡四十年張守節四十四年康

榆次縣志

卷十

列女傳上

十六

守節三十二年楊氏侯氏郭氏俱守節五十餘年

張一秀妻趙氏庠生施崇儀妻王氏郭鞏金妻郝氏李

千妻李氏裴成龍妻康氏並二十九寡庠生許欽聘

妻程氏龐正林妻裴氏皆三十而寡趙能奉事其姑

守志者四十二年郝守志五十二年王年七十三李

年六十七而卒康事瞽姑有孝名壽至八十餘歲程

壽亦至八十餘裴壽至六十餘歲

武生周展基妻榮氏吏員寇隆祖母郝氏武生褚玉璋

妻桑氏夫巴後皆守節自勵

郝海妻武氏家貧如洗夫亡貞潔自守者四十年

武氏者里人要三妻也嫁三歲餘三好遊遠去至後三十餘年始歸三之未歸也武年甚少有一子且死矣三父母悽然朝夕望三武則代三修人子事雖貧薄常力勉之退則獨處室中無人敢窺者親戚宗族交敬以爲賢然三久無聲聞疑其歿他所一日有叩門者則三還也頭髮已盡白而持攜無有武絕無謫言於三愛有加至於終身

張氏適王士堯生子甫三歲堯卒時年二十七一貧如洗勤紡績傭鍼指撫孤完節至四十餘年子萬永以孝著

榆次縣志

卷十

列女傳上

十七

趙氏劉一萬之妻生子甫二歲萬卒家貧翁心惑繼姑力逼改嫁氏攜孤兒依居母舍紡績自贍撫子成立張氏楊三奇之妻年二十九夫卒姑更適氏子女二人姑遺子女二人氏撫育弟妹亦如己子俱婚配成人艱苦備嘗歷三十四年如一日

侯氏張可甯妻甯隨父貿易江南姑病氏奉養三載毫無惰志姑亡翁再配遺叔可仕朝夕惟氏撫養仕常言幼喪母而不知無母之苦嫂氏恩也年二十九夫亡遺子方三歲氏矢志守節繼姑每諷以艱難使更適輒不應姑怒益謀嫁之氏度姑意不可奪乃持刀

劈首血淋漓被面見者皆驚姑始不復言自始守至卒內外無間者四十二年

蕭氏郭學顏妻顏家貧無生計趁食京都乾隆元年顏巴於京族人以氏無子息欲更嫁之氏曰夫屍未歸且有積債更適不義乃益勤紡績年餘積銀十兩昇喪而歸又六年償還顏債二十兩勤勞過度雙目俱瞽遂自縊死之日遠近流涕

李綦妻桑氏二十一守節至八十餘歲智學顏妻張氏二十三守節至七十餘歲張盛妻張氏二十夫死遺子玉剛甫五月矢志不嫁守節五十餘年

榆次縣志

卷十

列女傳上

十八

范氏庠生李天培妻二十七而寡李本官族然家故貧范守遺孤嫠居三十六年卒完其節

侯氏郝九成妻有婦德歸九成未幾舅姑死有叔甚幼侯撫養備至及二十八九成卒遺子廷球僅兩月家又苦貧侯竟撫其幼叔及廷球使並成長

張氏者故楚雄知府澤之女孫喬氏者故兩科武舉映武之女也張氏歸白佳玉喬氏歸王綽兩人皆早寡有賢行乾隆十三年有司並爲請旌張子帥喬子錫九皆爲諸生

劉氏甄井民張令譽妻三十而寡子女俱無奉孀姑賈

氏矢志不改嫁終身自勵

楊家莊麻氏歸農人李蘭枝年十八天亡未有子女苦志守節至五十年人言無間云

程氏民楊楨妻也年二十二而楨亡無子程誓無二志至老不易稱完節焉

李世富妻冀氏二十七而寡遺孤二俱幼翁年八十餘冀事之如父備極孝養翁歿盡出紡織資爲之營葬撫二子成立年至六十七而終

楊氏年二十八歲夫郭方隆歿二子甚幼家貧無可賴氏守志撫孤糟糠不厭至老稱苦節焉

榆次縣志

卷十

列女傳上

十九

庠生段文綜妻高氏夫亡二子俱幼姑先卒翁年耄事之甚謹後翁病高日吾翁老病臥床莫爲扶掖必不能延生我夫死我即子也不避穢惡身親侍養者數月及翁卒喪葬一以禮鄉里稱孝婦焉爲之請旌秦氏張成美妻成美亡氏年二十四貧乏無可依孤二俱幼氏撫之備嘗辛苦賴以成立壽至七十餘歲里黨嘉其節爲之請旌

閻佩妻侯氏二十五而寡祁棟妻郭氏二十八而寡俱稱苦節郭守節四十三年終侯無子守節五十餘年殷氏蒜峪村民張貴生妻年十五歸張爲養媳事姑盡



孝佐貴生操作能食其力乾隆十五年四月初五日  
姑與夫俱外出氏獨處鄰人王名英夜入其室直逼  
之氏裂其膚疾聲大呼名英逸去貴生白之官氏曰  
身不污而名辱有死耳何顏質於庭姑防之密既復  
強爲笑乘間自縊有司捕名英置之法爲氏請旌  
時年二十四

李氏上營村胡忠之妻年三十而寡家貧乏翁姑並老  
孤景元甫三歲景戎其遺腹也氏矢志不嫁以仰事  
俯育爲己任躬操作勤紡績備嘗艱苦以故翁姑生  
事死葬皆盡禮二孤成立稱完節焉氏生於順治八  
年乾隆十五年壽登百歲猶康健孫九人曾孫四人  
一門四世人謂節孝之報有司以狀聞例得建坊

旌曰貞壽

以上俱載舊志已入祠

乾隆年節孝已蒙

旌表

范氏使趙村生員馬秉智之妻武生大經之母二十四  
歲而寡卒年八十五歲有坊

桑氏使張村賈沂之妻二十一年夫故卒年六十四歲  
彭氏南要村要夢蘭之妻二十二歲而寡守節四十七

年有坊

趙氏德音村侯大振之妻二十九歲而寡卒年六十七

歲有坊

李氏南要村要夢槐之妻二十七歲而寡守節三十五

年有坊

王氏南要村王家彥之妻貢生王錫綬之女二十四歲

而寡卒年五十九歲有坊

王氏西范村郝存信妻二十三歲而寡卒年七十三歲

要氏南關王詒之妻庠生治芳監生治亨之母二十四

歲而寡卒年八十歲舉人胡豹變志墓

榆次縣志

卷十

列女傳上

二十一

劉氏德音村侯大勳妻二十三歲而寡卒年九十四歲

劉氏西長壽村彭安喜之妻二十五歲而寡卒年八十

八歲

王氏永康鎮許方伯妻二十九歲而寡卒年八十七歲

侯氏懷仁鎮武生胡大力之妻二十二歲夫故子女俱

無奉養舅姑姑有目疾動必需人氏左右扶持數十

年無怠志壽至八十歲終

石氏南關郭宗泰之妻二十六歲而寡卒年六十一歲

許氏生員李聖和之妻二十四歲而寡卒年六十三歲

喬氏郭芳美之妻二十六歲孀居五十年終

郭氏田峻之妻

喬氏聶店村王元龍之妻二十五歲而寡壽至九十三

歲有坊

嘉慶年節孝已蒙

旌表

張氏橋頭村趙世耀之妻舉人汝諧之母二十六歲而

寡卒年六十六歲

董氏車輞村常興泰之妻三十歲而寡卒年八十歲

韓氏永康鎮許院之妻二十歲而寡卒年三十九歲

郭氏聶店村王之翰之妻員外郎作豐之祖母十八歲

榆次縣志

卷十

列女傳上

二十一

而寡撫姪欽為嗣欽卒復撫孫作豐成立現年七十

一歲有坊

韓氏東白村褚體亨母二十四歲而寡現年七十一歲

原氏南要村要鏡之妻二十八歲而寡現年五十三歲

韓氏南要村要旨之妻二十九歲而寡現年五十五歲

胡氏山莊頭趙聯芳妻三十八歲而寡卒年八十六歲

要氏德音村鞏光裕妻三十一歲而寡卒年三十七歲

道光咸豐年節孝已蒙

旌表

趙二姑邑之東雙村人也賦性肫摯不輕出閨閣年十

三父耕母饁外出女守門鄰人閻思虎伺其家無人突入欲逼與姦女不從思虎竄去其父母歸女告之且痛泣不欲生其叔添中知之與其父訟之官思虎誣訴以和令疑之即以和訊女不甘汚衊暗出袖中刀自刎死時方盛暑屍橫數日不腐蠅蚋皆遠去人咸以爲異後屢控於省經年不得直蒙御史陳奏

命刑部詳詢寃乃白奉

旨旌表建坊邑人醵貲置田葬於王胡村南之驛路旁其坊聯云髫齡赴義千秋節勁氣迴天六月寒行路者皆爲感動侍講學士顧莛爲作碑記立於坊側

榆次縣志

卷十

列女傳上

二十三

常氏史家莊誥贈中憲大夫邑庠生史化典之妻候銓道璠之母二十九歲而寡卒年八十一歲有坊劉氏在城二鋪地封朝議大夫王繼宗之繼妻六年夫故氏時年二十五歲守節符例三十年請

旌因姪燕堂貴地封恭人卒年六十一以姪映堂爲嗣

喬氏王村附貢生郝大典之妻二十八歲而寡奉姑教子克盡其道因子思濂貴 誥封淑人卒年五十四趙氏什貼鎮武生田維寶之妻二十八歲而寡事舅姑能先意承志姑歿哭泣喪明至於撫孤極謹嚴有過決不貸故終能成立卒年六十三歲



丁氏史家莊王文遠之妻二十七歲夫故矢志守節撫孤成立卒年七十八歲

楊氏東聶村武生王吉士之母武舉楊大功大儒之姊二十八歲而寡時繼姑年與氏相若氏事之惟謹夫有姊亦早寡貧甚氏接歸家終年飲食之疾病扶持宛若同胞現年六十六歲

李氏上戈村侯錫珠妻二十三歲而寡卒年六十三歲  
楊氏修文村王丞宜之妻十八歲而寡現年五十五歲  
喬氏在城六鋪段松妻二十一歲而寡現年五十七歲  
張氏小趙村趙如桂妻二十二歲而寡現年七十二歲

榆次縣志

卷十

列女傳上

一二十四

游氏豈家莊豈在山之妻二十五歲而寡子永昌亦早卒永昌妻要氏方二十二歲與孀姑俱矢志靡他游現年七十一要現年五十二

安氏張慶村周克昌之妻二十一歲而寡卒年八十二歲

